



**ҚАЗАҚСТАН  
РЕСПУБЛИКАСЫНЫҢ  
ҰЛТТЫҚ БАНКІ  
№ 33 БАСПАСӨЗ РЕЛИЗИ  
2014 жылғы 11 сәуір**

**Төлем балансы бойынша  
статистикалық есептілік  
нысандарының өзгерістері туралы**

Қазақстан Республикасының Ұлттық Банкі осы арқылы Қазақстан Республикасы Статистика агенттігінің «Қазақстан Республикасының Ұлттық Банкі әзірлеген ведомстволық статистикалық байқаулардың статистикалық нысандары мен оларды толтыру жөніндегі нұсқаулықтарды бекіту туралы» Қазақстан Республикасы Статистика агенттігі төрағасының міндетін атқарушының 2010 жылғы 21 желтоқсандағы № 351 бұйрығына өзгерістер мен толықтырулар енгізу туралы» 2014 жылғы 9 қаңтардағы № 3 бұйрығымен (бұдан әрі – № 3 бұйрық) төлем балансы бойынша статистикалық нысандарға өзгерістер мен толықтырулардың енгізілгенін хабарлайды. № 3 бұйрық Қазақстан Республикасы Әділет министрлігінде 2014 жылғы 11 наурызда № 9199 тіркелген.

Осы бұйрықпен «Резидент еместерге қойылатын қаржылық талаптар және олардың алдындағы міндеттемелер туралы есеп» 1-ТБ, «Мемлекеттік басқару секторының халықаралық операциялары, сыртқы активтер мен міндеттемелері туралы есеп» 7-ТБ, «Резидент еместермен халықаралық операциялар туралы есеп» 10-ТБ, «Сыртқы мемлекеттік, мемлекет кепілдік берген қарыздар туралы және Қазақстан Республикасы кепілдікке тартқан қарыздар туралы есеп» 14-ТБ және «Резидент еместермен бағалы қағаздар бойынша халықаралық операциялар туралы есеп» 15-ТБ нысандарына өзгерістер енгізілді, сондай-ақ «Кәсіпорындардың тауарларды экспорттау және импорттау кезінде тасымалдау мен сақтандыруға жұмсаған шығыстары туралы зерттеу сауалнамасы» нысанының күші жойылды.

Бекітілген нысандар, оларды толтыру бойынша нұсқаулықтар, сондай-ақ байланыс ақпараты Қазақстан Республикасы Ұлттық Банкінің [www.nationalbank.kz](http://www.nationalbank.kz) интернет-ресурсында Статистика → Статистикалық есептілік нысандары → Төлем балансы бойынша бөлімінде орналастырылған.

«Кәсіпорындардың тауарларды экспорттау және импорттау кезінде тасымалдау мен сақтандыруға жұмсаған шығыстары туралы зерттеу сауалнамасы» нысаны бойынша 2013 жылғы және одан кейінгі есептерді ұсыну талап етілмейді.

№ 3 бұйрықпен бекітілген өзгертілген нысандарға сәйкес 1-ТБ, 7-ТБ, 10-ТБ, 14-ТБ және 15-ТБ нысандар бойынша есептерді беру 2014 жылдың 3-тоқсанындағы есептерден басталады. Жоғарыда көрсетілген нысандар бойынша 2014 жылдың 1-ші және 2-ші тоқсанындағы есептер өзгерістер ескерілмей беріледі.

*Статистикалық есептілік нысандары бойынша негұрлым жан-жақты ақпаратты:*

*1-ТБ, 10-ТБ – респонденттің орналасқан жері бойынша Қазақстан Республикасы Ұлттық Банкінің аумақтық филиалдарында;*

*7-ТБ мына телефондар бойынша: +7 (727)2596831, +7 (727)2704644*

*14-ТБ мына телефондар бойынша: +7 (727)2704644, +7 (727)2704640*

*15-ТБ мына телефондар бойынша: +7 (727)2704542, +7 (727)2704938 алуға болады.*